

DISSERTATIO INAUGURALIS JURIDICA,  
DE  
**FIDEICOMMISSO**  
**FAMILIÆ COGNATICO,**

QUAM,  
AUSPICIIS

ACADEMIÆ RECTORIS MAGNIFICENTISSIMI,  
SERENISSIMI PRINCIPIS AC DOMINI,

**DN. FRIDERICI,**

HASSIÆ LANDGRAVII, RELIQ.

AUTORITATE ET DECRETO

INCLYTI JURISCONSULTORUM ORDINIS

IN ILLUSTRİ ACADEMIA MARBURGENSI,

**PRO GRADU DOCTORIS**

SUMMISQUE IN UTROQUE JURE HONORIBUS

ET PRIVILEGIIS RITE OBTINENDIS,

MAGNIFICI SENATUS ACADEMICI EXAMINI

PUBLICO

SUBMITTIT

DIE XXVI. NOV. ANNO MDCCXXXIX.

**JOH. CHRISTOPH. RUPRECHT,**

MOENO - FRANCOVRTENSIS.

---

MARBURGI CATTORUM,  
TYPIS PHILIPPI CASIMIRI MULLERI, ACAD. TYPOGR.





VIRIS,  
*ILLUSTRIBUS, GENEROSIS-*  
*SIMIS, CONSULTISSIMIS*

INCLYTÆ REIPUBLICÆ MOENO-FRANCOFURT,

PROCERIBUS  
*SPECTATISSIMIS,*  
PRÆTORI,  
CONSULIBUS,  
SCABINIS,  
SYNDICIS,  
SENATORIBUS,

**PATRONIS SUIS  
OMNI HONORIS CULTU  
VENERANDIS,**

SUBMISSO ANIMO  
MENTISQUE VENERABUNDÆ  
HUMILLIMA DECLARATIONE

DEDICAT ATQUE OFFERT

*Clienti ac Dilecti huiusmodi*

**JOH. CHRISTOPH. RUPRECHT.**



DE  
FIDEICOMMISSO FAMILIÆ  
COGNATICO.

§. I.

**F**ideicommissum familie vocatur, quod ad conserva-  
tionem familiz constitutum.

§. II.

Familia stricte agnationem, in sensu gene-  
rali autem, prout bene annotavit ЛУКСЕРУС  
(a) sanguinem denotat, per quem descendentes tam ma-  
sculini quam foeminini sexus intelligi, vel inde solum patet,  
quando in Germania Nobilitas Sanguinis esse dicitur.

§. III.

*Fideicommissum Familie agnaticum* dicitur, quod  
ad Agnationis conservationem in splendore constitutum.  
De eodem singulari industria scripsit Textor in Disput.  
XXVI. de Fideicommissio stirpis masculinz.

A

§. IV.

## §. IV.

*Fideicommissum Familiae cognaticum* dicitur, quod ad utriusque sexus a fidei committentibus descendendum conservacionem in splendore constitutum. Fideicommissum hoc contradictionem involvere videtur, cum Familiae per feminas non conserventur, dum e familia exeunt. Illud vero ita saltem videtur, si stricto significatui vocabuli Familiae inhæreas, non attento generali §. 3. determinato. Negandum tamen non est, Fideicommissum cognaticum esse improprium, sicut enim feuda, ita & Fideicommissa familiae, irregularia seu impropria sunt, ubi feminae cum masculis succedunt, quemadmodum egregie inculcavit Illustriss. COMES de OETTING. (b).

## §. V.

Quoties itaque interest, non solum Agnationem sed utriusque sexus descendentes in splendore Familiae suae conservari, toties Fideicommissio Familiae cognaticae locus est.

## §. VI.

*Si filiae in aliqua familia non excludantur a successione, & familia in splendore conservetur, Fideicommissio Familiae cognaticae opus est.* Si enim filiae a Successione in familia aliqua non excluduntur, bona extra eandem in alias transferunt, sicque subtractis bonis detrahitur tandem splendori Familiae e qua exeunt. Quod si itaque is conservetur, necesse est ut non nisi sub nexu Fideicommissi, bona in alias transferantur familias. Quo casu cum Fideicommissum utriusque sexus descendendum con-

(b) In diatriba de fideicommissis C. 3. §. 5.

conservationi in splendore Familiae inserviat; idem cognaticum esse patet (§. 4.).

§. VII.

*Si plures Familiae per mutua connubia se invicem in splendore conservent, Fideicommisso Familiae cognatico opus est.* Si enim plures Familiae per mutua conjugia se invicem conservent in splendore, necesse est, ut filiae multum in alienas familias transferant; consequenter a successione in bona parentum suorum non excludantur. Cum tamen simul Familiae qua exeunt in splendore conservetur, sique filiae in aliqua Familia a successione non excludantur, attamen familia in splendore conservetur, Fideicommisso Familiae cognatico opus sit (§. 6.); evidens est quod eodem quoque opus sit; si plures familiae per mutua conjugia se invicem in splendore conservent. Tunc nimirum filiae bona sufficientia maritis afferunt, sed sub nexu Fideicommissi, qui eo inservit, ut bona ei Familiae, cui ratione perceptionis fructuum subtrahuntur, simul conserventur. Sique filiarum non nisi intra istas familias unitas permittuntur connubia; quod uni familiae ratione perceptionis fructuum decrevit, eadem ex aliis rursus accrescit.

§. VIII.

At vero si plurium Familiarum communiter interest, ut facultates suas splendoremque singulae conservent, id obtineri nequit nisi per mutua filiarum in se invicem connubia, nec filiae a successione excluduntur; Maxime itaque eo casu Fideicommisso Familiae cognatico opus est.

§. IX.

*Cuilibet qui dominus rerum est quas relinquit,*  
A 2 *easdem*

*easdem fideicommisso familiae cognatico afficere licet.* Quoniam enim vi domini libera alicui de rebus suis disponendi competit facultas, hinc eas alienae Familiae conferendae, multo magis itaque propriae destinare potest. Cumque adeo libere agat, ipsius arbitrio relictum est, an bona solius agnationis, an vero utriusque sexus descendendum conservationi destinare velit. Ad hanc vero cum per modum medii sese habet Fideicommissum Familiae cognaticum (§. 4.), dubio caret, quin cuique qui de iis rerum est quas relinquit, easdem Fideicommisso Familiae afficere liceat.

#### §. X.

Omnibus igitur sive sint masculi, sive foeminae, sive personae illustres ut Principes, Comites, & Dynastae sive Nobiles, tam mediati quam immediati, imo ignobiles, Fideicommissa Familiae cognatica constituere licet. Quamvis nimirum praeter aliis Regio claro & Nobili sanguine nati Familiae suae conservationem appetant, naturaliter tamen quaecunque personam desiderare honorem & augmentum sui status familiae & agnationis etiam si ignobilis, villanus & infimae conditionis homuncio sit, bene jam annotavit KNIPSCHILD C. 3. n. 32.

#### §. XI.

Praefertim autem Patriciorum interest, Fideicommissa Familiae constituere, eorum enim media se conservandi potissimum sunt redditus illorum ex allodiis, a quibus foeminae commodè excludi nequeunt: ita enim Reformatio Politica de A. 1530. Tit. XI. §. 1. Nachdem in Städten gemeiniglich dreyerley Bürger und Einwohner sind: als gemeine Bürger und Handwerker, Kauf- und Gewerbs-Leute, und andere so im Rath



Rath von Geschlechtern oder sonst ehrlichen Person-  
mens, und ihrer Zins und Renthen sich ernähren /  
quod confirmat LEHMANN Chron. Spir. L. 4. c. 14. p.  
318. seqq. Die Frey=Bürger welche alle Adels und  
Rittermäßige Leut gewesen, haben allein vom Feld-  
und Wein=Bau, von Gold und Verehrung, damit  
Sie im Krieg von Kaysern und Königen belehnt und  
begabt, und von ihren Renthen und Zinsen gelebt.  
Quamobrem quoque se invicem per mutua conjugia  
conservare tenentur, quod apud Nobiles rure habitan-  
tes necesse non est, cum filias a successione excludant.  
Omnium namque interest, singularum facultates con-  
servari, utpote a quibus totius Patriciatus dependet splen-  
dor. Quod enim KNIPSCHILD (c) observavit, quod  
Doctor est sine Lege. Pastor sine Grege, Comes sine Co-  
mitatu, Eques sine equo, Episcopus sine Episcopatu,  
Abbas Titularis in ordine S. Benedicti, Canonicus sine  
Præbenda, Cardinales Ravennæ, Rex Schachorum, Im-  
perator Græcorum, id Nobiles esse sine opibus, hoc est  
nullatenus, & equites in herba, multo magis de Patri-  
ciis valet, qui sicut jam DRACO (d) ait, non parum au-  
toritatis accipiunt a facultatibus & divitiis maxime in-  
veteratis, & ut CASSIODORVS loquitur per genus du-  
ctis. Ast vèro sub hisce determinationibus Fideicommis-  
so Familiz cognatico locum esse, ex superioribus elucet.

## §. XII.

*Fideicommissum Familiae cognaticum tam in mobi-  
libus quam in immobilibus constitui potest. Quoniam e-*

A 3

nim

(c) de Fideicom. Fam. c. 7. n. 31.

(d) de Orig. &amp; Jure Patriciorum, c. 7. n. 15, p. 298.

nim constituitur vi liberæ de rebus & bonis suis disponendi facultatis, in tota hereditate constitui potest. Hereditatis enim nomine veniunt res universæ, tam corporales quam incorporales, mobiles & immobiles. Fideicommissum Familix itaque tam in rebus mobilibus quam immobilibus constitui potest. In rebus mobilibus quidem & quæ eis annumerantur, per se & principaliter Fideicommissa constitui non solent, in consequentiam tamen rerum immobilium, id fieri posse inde merito inferunt ALTORFFINI, (e) quia accessorium sequitur naturam sui principalis; multa enim in consequentiam transeunt, quæ per se & principaliter non veniunt vel subsistunt, (f).

### §. XIII.

*Fideicommissum Familix cognaticum Testamento constitui potest.* In Testamento enim testator de omni eo, quod ab ipsius arbitrio dependet, disponit. Cumque adeo id omne, quod ab ipsius arbitrio dependet, descendantibus suis sub nexu Fideicommissi relinquere possit; nil obstat quo minus Testamento Fideicommissum Familix cognaticum constituat. Imo proprie non nisi ultima voluntate constitui potest, cum juxta STRYCKIVM (g). Fideicommissa in genere, proprie non inter vivos, sed in ultimarum voluntatum figuris constituentur, nec eorum nomen mereantur ex conventiones, quibus inter vivos nonnunquam id agitur, ut res ad tempus concessa post illud transferatur in alium.

### §. XIV.

(e) Consilia Altorff. T. I. Conf. 8. n. 42. (f) Knipschild C. 5. n. 10. (g) de Successione ab intestato Diss. 7. c. 1. §. 6.

## §. XIV.

*Fideicommissa Familiae cognaticae, interpretatione restringenda non sunt, sed potius adjuvanda seu extendenda (b). Sunt enim iis quibus injuncta, honori & commodo potius quam oneri, adeoque odiosa non dicenda, sed magis favorabilia, consequenter magis extendenda quam restringenda: & quidem eo magis, quando in testamento constituta, cum circa ea nullum suboritur dubium, quemadmodum circa conventionalia Fideicommissa. In genere quoque Testamenta citius extensionem admittere quam negotia inter vivos, annotant MARBURGENSES (i): quodque in Fideicommisso conventionali in specie strictior fiat interpretatio, secus in eo, quod testamento constitutum, in primis docent HOFMANNVS ibique allegati DOCTORES (k).*

## §. XV.

*Si testamento quis propriae suae familiae Fideicommissum Familiae cognaticum constituit, testamentum illud parentum inter liberos est. Singulos enim suos descendentes heredes instituit (§. 4.), iisdemque saltem portionem suarum injungit restitutionem; quale testamentum parentum inter liberos esse, dubium non est (l).*

## §. XVI.

*Quare cum testamentum parentum inter liberos Testamentum privilegiatum sit, ita ut absque illis forenti-*

- (b) Conf. Stryck de jure Successorum in revoc. bon. f. m. §. 13. p. 18. Horn Class. 7. Resp. 12. & 27. Tabor. Consult. 40. n. 4. Comes de Otting. C. 3. §. 4. nota \*  
(i) 2. Consilio 25. n. 31. (k) Consiliorum 11. L. 3. Conf. 34. n. 6. & 7. Tom. 2. p. 814. (l) Struv in Jurispr. For. L. 2. T. 16. §. 7.

lennitatibus, per nudam parentum voluntatem, quoquo modo probari possit, etiam absque omni teste subsistat, *Fideicommissum cognaticum propriae Familiae constitutum subsistit, etsi solennia Juris in Testamento ordinando observata non fuerint.* Alias quidem nec Fideicommissa praestari debent nisi ex Testamento, in quo omnes solennitates fuerunt observatae, quod & WILDVOGEL (m) monet. Secus tamen haec se habere in Testamento parentum inter liberos, jam KNIPSCHILD (n) animadvertit, quod magis in praesenti obtinet ubi testamentum tale publicum favorem concernit.

## §. XVII.

*Quodsi in Testamento Fideicommissum Familiae cognaticum constitutum, necesse est, ut Testator masculos & foeminas una oratione vel copulative in eodem vocaverit.* Si enim Fideicommissum Familiae cognaticum in Testamento constitutum sit, foeminae aequaliter vocatae sint necesse est cum masculis. Si vero Testator masculos & foeminas eadem oratione vocavit, tunc foeminae aequaliter cum masculis vocatae censenda ceu docet. FUSAR de Fideic. Substit. (o). Praeterea de natura copulae est, vocare & invitare omnes personas copulatas inter quas ponitur, ad id quod dispositum viriliter ac simul, & eodem tempore non ordine successivo ut ait HENNING GODEN (p). Utique igitur si in Testamento Fideicommissum Familiae cognaticum constitutum sit, necesse est ut Testator masculos & foeminas una oratione vel copulative in eodem vocaverit. Sique de ejusmodi conjunctione constat, voluntas

(m) de Fideicom. Familiae Nobil. convent. C. 1. §. 8. p. 9

(n) C. 6. n. 22. & 23. (o) Quæst. 379. n. 1. §. 6.

(p) Consil. 23. n. 2. p. 149.

luntas disponentium ex se perspicua, ideoque omnis de admisibilitate aequali foeminarum cum masculis disputatio supervacanea est (q), nam sola testatoris & disponentis voluntas in Fideicommissis valet & dominatur (r).

## §. XVIII.

Si Testator prohibuit bona sua ad alios quam descendentes suos pervenire, Fideicommissum Familiae tacitum constituit (s). Si enim id prohibuit, ratio alia prohibitionis non fuit, quam ut descendentes ipsius in splendore Familiae conserventur. Quare cum ex ea ratione Fideicommissum Familiae cognaticum constituatur (§. 4.); illud ex facto hoc prohibitionis colligi potest, sicque tacite ab eodem constitutum. In genere ad Fideicommissa inducenda conjecturas urgentes locum habere, notum est ex MASCANDO (t), si scilicet ex illis enixum desiderium appareat, quemadmodum BRÜCKMANN (u), LYNCKER (v) & BRUNNEMANN (x) judicant.

## §. XIX.

Fideicommissum Familiae cognaticum, de casu ad casum, de persona ad personam extendi potest, si eadem subsistat ratio (y). Etenim Fideicommissum Familiae cognaticum, strictè interpretandum non est, sed magis interpretatione adjuvandum (§. 14.), si vero eadem subsistat ratio, conservandae Familiae nempe,

B

nec

(q) conf. Harprecht de regressu ab bona ab illustr. præcip. filiis renunciar. &c. c. 2. §. 4. p. 6. (r) L. 127 ff. de Legat. 1. L. 64. ff. de legat. 2. (s) Fufar c. l. Quæst. 277. n. 6. (t) De prob. Concl. 774. n. 4. (u) Q. 1. Conf. 34. n. 21. (v) D. 399. (x) c. 2. d. 74. n. 1. (y) conf. Lyncker D. 324.

nec de casu ad casum, de persona ad personam extenderetur, perinde esset ac si Fideicommittentibus media finem suum consequendi subtraherentur, sicque Fideicommissum non adjuvaretur sed impediretur potius. Evidens igitur est quod extensio ista valeat. Causa Finalis alias etiam primum principium intentionis, nec non substantia dispositionis, regere ac gubernare dicitur dispositionem ipsam (z). Id vero maxime locum habet in causis Fideicommissariis (aa), adeo ut apud omnes expeditum sit, quod Fideicommissa semper regulentur & declarentur, itemque restringantur, & determinentur ex ratione quam Testator expressit, vel qua permotus fuit ad illa relinquenda (bb), atque talis ratio potius attendi debeat, quam verba expressa, quam conclusionem communem esse referunt JUL. CLARUS (cc) & BESOLDVS (dd). Et profecto si verba nudum desiderium denotantia apta sunt ad Fideicommissum inducendum (§. 18.), magis apta sunt ad illud extendendum. Inprimis vero monet Illustriss. Dn. COMES de OETTING. (ee) extensionem locum habere, si Testatoris dispositio alias foret elusoria.

## §. XX.

*Si Testator voluit liberos suos, vel etiam filios, ad hereditatem Familiae restituendam teneri, omnibus descenditibus suis, nepotibus, pronepotibus, ceterisque*

(z) Hoffmann Conf. L. I. Conf. 20. n. 2. T. 1. p. 360.

(aa) Wessenebec. Conf. p. 2. Conf. 94. n. 16. p. 395.

(bb) Hoffmann Cit. Conf. 20. n. 3. (cc) Ill. §. Testam. Q. 76. n. 1. (dd) Conf. 6. n. 117. Conf. 8. n. 42. Conf. 11. n. 97. (ee) c. 3. §. 3. nota \*

que qui ex his descendunt, idem onus incumbit. Liberos enim appellatione, nepotes, pronepotes, ceterique qui ex his descendunt, continentur (*ff*), praesertim si & horum interest, quo casu iidem etiam sub nomine Filiorum comprehenduntur teste FVSARIO (*gg*), æque ac tum hæredum nomine, hæredis hæredes veniunt (*hh*), praesertim in causa favorabili ex autoritate MANTICÆ (*ii*). Cum vero conservationi omnium descendendum destinatum sit Fideicommissum Familiae cognaticum (§. 4.), tam nepotum quam pronepotum ceterorumque maxime interest; ideoque & omnibus onus restitutionis incumbit. Quæ adeo vera sunt, ut JOANN. DILECT. (*kk*) putet, si Testator Nepotes ex substitutione ad restituendam Familiae hæreditatem velit teneri, tutissimum remedium esse, si nomine liberorum utatur, quia liberorum appellatione Nepotes etiam continentur. Omnes sane descendentes æque dilexisse censetur Testator & in illis quæsiuisse diuturnitatis memoriam (*ll*), quod eo magis valet, si quos in una parte Testamenti vocavit Kinder, in alia nominat descendentes, vel quæ alia conjecturæ ex testamento desumtæ hoc suadent, ut tradunt CEPHAL. (*mm*), BESOLD (*nn*). Sed & appellatione der Kinder in Fideicommisso venire Kindes Kinder largitur expresse SANDE (*oo*). Imo Filiorum nomine non posse non contineri descendentes omnes, testantur ALBERICVS GEN-

B 2

TILIS

(*ff*) L. 220. ff. de V. S.(*gg*) c. 1. Q. 319. n. 1.(*hh*) L. 56. 70. de V. S.(*ii*) L. VIII. de Conject. ult. volunt Tit. 8. n. 11. 17.(*kk*) de Art. testandi Tit. 5. (*ll*) L. 420. de V. S.(*mm*) Conf. 72. n. 9. (*nn*) P. 5. Conf. 198. n. 11. & 12.(*oo*) L. IV. T. V. def. XI.

**FILIS**, **GOEDDEVS** (*pp*), **GANYMMA** (*qq*), & **LYNCKER** (*rr*), si nimirum Fideicommissi favor ad eos pertinere possit, ceu addit **LYNCKER** (*ss*): cum in Fideicommissis affectio Testatoris quæ erga quoscunque descendentes æqualis esse solet potissimum spectanda sit, juxta **BESOLDVM** (*tt*). Similiter Familix causa si factum sit Fideicommissum, appellationem Filiorum continere Nepotes, statuit **BRUNNEMANN** (*uu*), ne per subtilitatem nimiam defunctorum judicia defraudemus. Consideranda nimirum est intentio Testatoris, an perpetuitatem petierit, de hac si constat restitutio injuncta Filiis repetita esse censetur in sequentibus, ut recte conjicit **LYNCKER** (*vv*), voluitque sane Fideicommissum instituens certarum personarum nominatione id tantum significare, provisionem in uno casu factam, etiam in similibus locum habere (*xx*). Hinc **BESOLD** ait (*yy*): quod rei objiciunt, illum ultimum articulum ad liberos neptum limitatum esse non obstat. Nam cum dictum speciale, & ratio generalis est, ea ratio & dispositio per dictum speciale non restringitur, sed generaliter ad omnes porrigitur, etiam personas non expressas, &c. Aliter sic quoque veritas apparet. Si Fideicommittentes interrogati fuissent, quis cum in eventum succederet in Fideicommisso, si pronepotes ipsorum sine liberis decesserint, pro Familia ceu magis dilecta utique responsuri fuisset.

(*pp*) ad L. 120. de V. S. (*qq*) Decis. 160. n. 8.

(*rr*) Decis. 515. (*ss*) Volum. 2. R. 110. n. 21.

(*tt*) Conf. Tubing. 7. n. 55. (*uu*) Cent. 2. Dec. 74. n. 6. (*vv*) Dec. 515. & V. 1. R. 173. n. 26. (*xx*)

vid. Illustr. Dn. Comes de Oetting. c. 3. §. 3. (*yy*) c. 1. XL. n. 91.



fuiſſent: nam in contentione hæredis extranei cum Familia Teſtatoris, hæc videtur magis dilecta (22). At vero illud diſpoſitum eſſe cenſetur, de quo ſi fuiſſet interrogatus Teſtator, licet expreſſum in Teſtamento non foret tamen reſpondiſſet ſe ita diſponere voluiſſe (a). Ergo ex intentione Teſtatoris diſpoſitio Fideicommiſſariæ in Pronepotibus demum effectum ſortitur.

§. XXI.

*Si Teſtator Nepotes ſuos voluit ad reſtituendam hereditatem Familiae teneri, iidem vero reliſtis liberis deceſſerunt, diſpoſitio Fideicommiſſariæ in Pronepotibus demum effectum ſortitur, ſi iidem ſine liberis deceſſerint.* Quoniam enim ob validiſſimam conjecturam, qua Teſtator deſcendenti plus favere creditur quam extraneo, ſubſtitutiones Fideicommiſſariæ tacitam clauſulam, ſi ſine liberis deceſſerint, in ſe continent (b); diſpoſitio Fideicommiſſariæ in Nepotibus, reliſtis liberis mortuis, effectum ſortiri non potuit. Ergo neceſſario in gradu proximo nepotum demum effectum ſortitur, ſi ſine liberis deceſſerint, & ſic ulterius. Porro ſi Teſtator Nepotes ſuos voluit ad reſtituendam hereditatem Familiae teneri, ſi ſine liberis deceſſerint, ratio alia non fuit quam conſervatio omnium deſcendentium ipſius. Eadem ratio non ſolum in Nepotibus verum etiam Pronepotibus atque ulterius ſubſiſtit. Quare cum Fideicommiſſum Familiae cognaticum de perſona ad perſonam extendi

B 3

poſſit,

(22) Lyncker V. 1. R. 89. n. 5. (a) L. 95. de Legat.

3. D. c. Conf. 227. Befold, P. 5. Conf. 245. n. 13.

(b) L. 102. ff. de condit. & demonſtr. Brunn. ad L. 30.

C. de Fideicommiſſ. n. 2. & 3. Werner, P. 1. Obf. 39.

D. 2. & 4. Vol. 3. p. 54.

possit, si eadem subsistat ratio (§. 19.), evidens est, quod Fideicommissum Familiae cognaticum quo liberi & Nepotes tantum gravati, si sine liberis decesserint, etiam ad Pronepotes & ulterius extendendum sit. Conveniunt haec cum iis quae tradit GOTHOFREDVS (c), quod nempe prius inspiciantur quae senserit Testator, deinde quid verisimile, tum demum eo deficiente ad significationem verborum recurratur. In specie vero sententiae, quod Fideicommissum ex verisimilitudine mentis Testatoris aliisque legitimis conjecturis extensionem ad personam, quae sub verbis late sumtis comprehenditur, admittat, magni nominis DD. applaudunt KLOCK, COTHMANN aliique allegati ab Illustr. Dn. Comit. de OETTING. (d). Prorsus accommodate autem LYNCKERVS ait (e), in Fideicommisso in Nepotibus subsistendum non esse, quando in illis solis intentio Testatoris obtineri non potest.

## §. XXII.

Cum itaque in hoc Fideicommisso ex identitate rationis valeat extensio (§. 14. §. 20.), quando autem in dispositione ratio expressa est, tunc non proprie extensio, sed comprehensio dicitur (f), *neceffe non est, ut in ipsa dispositione Fideicommissaria ratio sit expressa, sed sufficit eandem inde colligi posse.*

## §. XXIII.

*Si Fideicommissum Familiae cognaticum constitutum, Novellae 159. c. 2. & 3. locus non est.* Quoniam enim Fideicommissum Familiae cognaticum, ad conservationem omnium descendantium constitutum (§. 4.),

mens

(c) ad L. 69. de Legat. 3. Lit. p.

(d) c. 3. §. 3. (e) Vol. 1. R. 173. n. 3.

(f) Conf.

Knipschild de Fideic. Fam. Nob. c. 7. n. 108. 109. 110.

mens Testatoris est, ut duret quamdiu descendentes superfunt. Sed vero juxta Nov. 159. c. 2. & 3. Fideicommissum Familiae ultra quartum gradum non extenditur, modo ex dispositione Fideicommittentis non alia mens manifeste appareat. Unde evidens est dictae Novellae hic locum non esse.

B. Dno, de BERGER quidem periculosum visum in judicando ab hac Novella recedere (g), ad minimum putat (h) eum solum casum excipiendum esse, cum Testator conceptis verbis ejusmodi Fideicommissum prorogavit in infinitum auf ewig. At tam arctos limites silente lege constituere vix licere melius existimat Per-Illustris Dn. de WERNER, ratus aequipollentia etiam sufficere verba, quibus enixam voluntatem suam Testator liquido expressit, adeo ut successio in Fideicommisso Familiae in infinitum locum habeat, quando de hac Testatoris voluntate liquido constat (i). Et quod magis est, idem alibi Dn. de BERGER sibi contrarius aperte statuit (k). Atque hanc Novellae interpretationem SANDRO quoque (l) & LYNCKERO (m) approbatam, universalis & quotidiana quoad Fideicommissa Familiae Praxis Imperii confirmat, longeq. mitior est quam illa RITTERSHVSII sententia, qua nodum fecit non solvit, existimant Novellam hanc ex eorum numero esse, quas TRIBONIANVS, homo avarissimus, pecunia corruptus de industria composuerit obscure, & ambi-

---

(g) Consil. 426. p. 418. (h) p. 425. (i) in Selectis, obs. For. p. 8. obs. 256. Vol. 5. p. 472. (k) Consil. 424. p. 416. (l) L. IV. Tit. V. def. IV. (m) Decis. 515. & in Expos. Nov. p. 14.

ambigue (n). Alia de TRIBONIANO nos sentire jubet Viri Clariss. Joh. WYBONIS Tribonianus, ab Emblematis WISSENBACHII liberatus. Sique dicendum quod res est, jam dura videtur opinio communis DD. Scholz, Novellam hanc prorsus non in Germania in observantiam deductam esse, quam etiam amplectitur STRYCKIUS (o).

## §. XXIV.

*Si Fideicommissum Familiae cognaticum constitutum, omnes a Fideicommittentibus descendentes sibi mutuo substituti sunt.* Fideicommissum enim Familiae cognaticum ad descendendum suorum conservationem Fideicommittentes constituere (§. 4.), sique voluerunt bona sua integra permanere penes descendentes suos. Sed hoc fieri nequit nisi per successionem perpetuam & substitutionem omnium ab ipsis descendendum. Ergo verum est, si Fideicommissum Familiae cognaticum constitutum, omnes a Fideicommittentibus descendentes sibi mutuo substitutos esse (p).

## §. XXV.

*Si Fideicommissum Familiae cognaticum constitutum, omnes a Fideicommittentibus descendentes ex sola Testatoris voluntate in eodem succedunt (q).* Si enim Fideicommissum Familiae cognaticum constitutum, pro suo arbitrio disposuere Fideicommittentes (§. 9.), consequen-

(n) ad Nov. Part. 6, c. 13. n. 3. p. 168. (o) de Successione ab intestato Diss. 7. c. 3. §. 41. (p) Stryck c. l. §. 38. & 39. (q) Sände in Comment. ad Consuet. Feud. Geldr. Tit. 3. C. 1. §. 1. n. 2, Blosin, Cons. L. 2. Cons. 18. p. 114.

sequenter nemo ad idem vocatus, quam quem voluerunt, sicque omnes ex voluntate eorum in eodem succedunt.

§. XXVI.

Quoniam itaque voluntas Testatoris pro lege habenda, si casus restituendi Fideicommissi existit, ipso jure proxime sequenti hereditas restituenda est.

§. XXVII.

Quilibet itaque descendendum eodem momento, quo conditio existit, vel dies venit, jus consequitur a Testatore, & secundum illius voluntatem, & sublato de medio praecedente successore, sequens non ex jure per illum ad se transmissio, sed ex persona propria Testatoris succedit (r).

§. XXVIII.

Licet itaque, dum vivit possessor, dominus dicatur, & alienare possit, infringitur tamen alienatio tempore mortis, cum venit casus Fideicommissi, ab initio quasi celebrata non fuerit (s).

§. XXIX.

Multo minus igitur Testamenti factio permixta est descendentibus de bonis Fideicommisso Familiae cognatico affectis.

§. XXX.

Sique omnis ex Fideicommittentibus descendens in Fideicommisso Familiae cognatico ex voluntate ipsorum succedat (§. 25.), supervacua est institutio proxime sequentis in Familia. Adeoque in Fideicommisso Familiae

---

(r) Conf. Sande c. l. n. 2.

(s) Conf. Böhmer Consult. & Decis. T. 1. p. 1. Conf. 87. n. 34.

*milie cognatico Testamenti factio inhibita, ut ejusdem Possessor, nec proxime sequentem in Familia, in bonis Fideicommissio subiectis, heredem instituere possit (t).*

§. XXXI.

*Si bona Fideicommissio cognatico affecta alienata & casus restituendi venit, proxime sequentibus in Familia praescriptio non obstat. Eo enim casu alienatio ab initio in irritum revocatur (§. 28.), quod vero alienabile non est, nec praescriptibile est, sicque nec praescriptio contra proxime sequentem in Familia procedit. Aliter sic quoque patet. Eo momento demum quo casus restituendi venit, ac sublato de medio praecedente proxime sequentes instituti sunt (§. 27.), consequenter tum demum agere possunt. Agere vero non valenti nulla currit praescriptio. Ergo nec currit proxime in Familia sequentibus, si praecedentes bona Fideicommissio Familiae cognatico affecta alienarunt (u).*

§. XXXII.

*Si Fideicommissum Familiae cognaticum constitutum, renunciatio parentum non praedjudicat liberis. Quoniam enim liberi ex voluntate Fideicommittentium succedunt (§. 25.), igitur jure proprio nec a parentibus transmissio succedunt (§. 26.) sicque juri alterius renunciatum. Quisque vero juri suo, nequaquam juri alterius renunciare potest. Ergo renunciatio parentum liberis in Familia proxime sequentibus non praedjudicat. Aliter ita quoque probatur. Parentibus non competit potestas Fideicommissum tale alienandi: Cui non competit potestas alienandi, illi nec competit potestas*

(t) Hoffmann c. I.

(u) Böhmer c. I. n. 15.

potestas renunciandi: quia in renunciatione unus remittit, alter acquirit (v). Ergo nec parentum renunciatio Fideicommisso Familiae cognatico facta, liberis prajudicare potest. Sane incivile & injustum hoc quoque esset, si renunciatio Parentum liberis prajudicare deberet, quemadmodum in genere tertio jus suum adimere velle incivile & injustum dicit ADAM HENRICVS POLLMANN (x): cum Fideicommissum Familiae in commodum omnium, qui sunt de Familia, constitutum sit. Tale quoque jus quod tam in meum quam in alterius commodum & favorem introductum irrenunciabile judicant GAILLIVS (y) & DALNERVS (z). Quodque renunciatio Patris in Fideicommisso Familiae in genere Filio non obstet, expresse docet BRUNNEMANN (aa). Non nihil difficultatis equidem videtur continere, si persona quae renunciavit causa est, sine qua tertio jus non competiisset, dum enim facere potest ne jus competat, videtur etiam jus, quod facto ejus extat, auferre posse. Verum laborare illationem, rectissime judicat POLLMANN (bb). Factum quidem, inquit, intermittere potest, sed dum non intermittere, impedire quo minus leges, ex hoc facto tertio jus tribuentes vim suam exserant, non potest, consequenter jus ex lege, licet occasione facti quæsitum, neque auferre.

## C 2

## §. XXXIII.

- (v) Conf. Stryck de cautelis contr. sect. 1, c. 5. §. 4. Berger in Diss. de renunc. Jur. §. 6. (x) In dissert. inaug. sub rubro Renunciatio jure suo se privans §. 13, p. 17. (y) L. 1. Obs. 40. n. 10. (z) de ver. jur. renunc. c. 13. n. 1. (aa) Cent. 2. d. 74. n. 11. (bb) cit. Diss. §. 11. p. 17.

## §. XXXIII.

*Si casus restituendi Fideicommissum Familiae cognaticum venit, & bona alienata sunt, proxime in Familia sequens Rei vindicatione uti potest (cc).* Si enim casus restituendi Fideicommissum Familiae cognaticum venit, & bona alienata sunt, perinde est ac si contra prohibitionem legis alienatio facta fuisset: cum voluntas Testatoris pro lege habeatur. Alienatione autem contra prohibitionem legis facta, ob resistantiam legis Dominium transferri nequit. Ergo idem ipso jure proxime in Familia sequens habet. At vero ex Dominio oritur Rei vindicatio. Hinc si casus restituendi Fideicommissum Familiae cognaticum venit, & bona alienata sunt, proxime in Familia sequens Rei vindicatione uti potest. Egregie hic KNIPSCHILD (*dd*): quodsi quis onere Fideicommissi gravatus est, ad alienationem ejus proliit, sciat, quod conditione impleta, h. e. existente, ab initio causa in irritum revocetur, & sic intelligenda sit, quasi nec scripta sit, nec penitus celebrata, ut nec usufructu, nec longi temporis praescriptio contra Fideicommissarium procedat. In his itaque casibus Fideicommissario omnis licentia pateat, rem vindicandi, & sibi assignandi nullo obstaculo ei a detentoribus opponendo l. fin. §. 3. C. Commun. de Leg.

## §. XXXIV.

*Si casus restituendi Fideicommissum Familiae cognaticum venit, proxime sequentes in Familia actione Publica-*

(cc) Conf. Stryk. de jure success. in revoc. bon. fam. §. 28. p. 38. & Boehmer Consult. & Dec. T. 1. p. 2. conf. c. 1. n. 18. (*dd*) c. l. c. 13. n. 62. 83.



*Publiciana, & Hereditatis Petitione uti possunt.* Si enim casus ille existit, ipso jure per legem proxime sequenti restituitur Hereditas (§. 27.). Perinde vero est, si ver-  
bis Fideiarii, si ipso jure per legem restituatur Hereditas Fideicommissario (cc). At is cui ex SCto Trebelliano Hereditas restituta est, etiamsi Possessionem nactus non fuerit, uti potest Publiciana (ff), & Hereditatis Petitione (gg). Ergo si casus restituendi Fideicommissum Familix cognaticum existit, proxime sequens in Familia actione Publiciana, & Hereditatis Petitione uti potest. Regulariter equidem in Publiciana requiritur, ut possessio rei per Fideicommissarium apprehensa, posteaque amissa fuerit (hh), at alix causæ, ex quibus alias ipso jure absque traditione transfertur & acquiritur Dominium, non excluduntur (ii). Ita enim GERARD NOODE: Prætor Edicti verbis exprimit acquirendi Domini modos duntaxat duos, traditionem & usucapionem, idcirco, quod in emtione, quam solam attingit causam, dominium fere traditione aut usucapione transfertur. Caterum reliquos acquirendi domini modos, qui extra traditionem sunt, non excludit (kk). Quodque attinet hereditatis petitionem, Fideicommissariam eadem recipit, quæ hereditatis petitio civilis l. 2.

C 3

ff.

(cc) Muller ad Struv. Exerc. 10. thes. 81. lit. IX.

(ff) L. 1. §. 1. ff. de publ. in rem act.

(gg) Knipschild, c. 3. n. 60.

(hh) Stryck de success. ab instit. Diff. 7. c. 4. §. 25.

(ii) l. 1. §. 2. l. 2. l. 3. ff. de publ. in rem act. Struv. Synagm. Jur. Ex II. th. 43. ibique Muller.

(kk) in Comment. ad Tit. ff. de public. in rem act. T. 2. opusc. p. 165.

ff. de Fideic. hered. pet. illisque datur, quibus per Fideicommissum hereditas est restituta, adeoque prouniverſa. li Fideicommisso conſequendo regulariter competit, & ſic datur adverſus eos, qui pro herede vel poſſeſſore poſſident (ll), etſi alias contra tertium poſſeſſorem, qui cum titulo poſſidet, locum non habeat per l. 25. §. 1. ff. de hered. petit, attamen eo caſu, quo in Teſtamento expreſſa alienationis factæ continetur prohibitio, etiam contra poſſidentem titulo datur (mm).

## §. XXXV.

Si caſus reſtituendi Fideicommiſſum Familiae cognaticum exiſtit, Rei Vindicatio, Actio Publiciana, & Hereditatis Petitio, in eodem libello proxime in Familia ſequentis cumulari poſſunt. Agens enim Petitione Hereditatis actionem deducit, quæ cum jure Dominii vel quaſi congruit. Sicque hæ tres actiones ſibi non mutuo contrariantur, ſed potius opitulantur. Actiones vero ſibi mutuo non contrariæ in eodem libello cumulari poſſunt. Ergo etiam tres dictæ (nn).

## §. XXXVI.

Si is, qui Fideicommiſſum poſſidet, titulum poſſeſſionis velut Teſtamenti pro ſe habet, conſultius abſtinetur a remediis poſſeſſoriis. Si enim is, qui Fideicommiſſum poſſidet, titulum poſſeſſionis velut Teſtamenti pro ſe habet, legitimus contradictor eſt. Ubi vero legitimus contradictor, ibi cauſa contradictionis ante immiſſionem ventilari debet L. ult. C. de Edict. D. Hadr. tollend. (oo).

(ll) Knipſchild. c. l. c. 13. n. 6. (mm) Stryck de Succell.

ab intell. Diſt. 7. c. 4. §. 12. in fin. l. 1. §. 3.

(nn) Conf. Stryck in ſuccell. ab intell. D. 7. c. 4. §. 25.

(88). Quæ ventilatio cum remoram obiciat; consultius est abstinere remediis possessorii. Alias quidem qui destinavit rem petere, animadvertere debet, an aliquod interdicto nancisci possit possessionem, quia longe commodius est, ipsum possidere & adversarium ad onera petitoris compellere, quam alio possidente petere L. 24. ff. de R. V. præsertim autem hic loci interdicto quorum bonorum locus esse videtur, utpote quod cuique vero in hereditate successori competit, adeoque Fideicommissario universali etiam concedendum (pp), nec minus remedii ex l. fin. C. de Edict. D. Hadr. tollendo usus hic videtur: hoc enim beneficium etiam Fideicommissario universali competit, postquam ipsi verbaliter est restituta hereditas, & secundum illud petere potest, ut per publicas personas mittatur in possessionem rerum hereditariarum, omissa omni quaestione, an Testamentum verum vel falsum? an jure valeat vel non? Rejiciuntur enim omnes exceptiones altiore indaginem requirentes. (qq). Sed hisce non obstantibus ob rationem allatam tutius quisque judicaverit, remediis petitoriis sub data hypothese uti, quam possessorii, imo si possessores Testamenti nullo vitio visibili laborantia pro se habent ex ipso remedio ex L. ult. C. de Edict. D. Hadr. tollend. ex adverso uti haud cessabunt: quod vero interdictum quorum bonorum in specie attinet, cum in isto plenis probationibus non secus ac in proprietate seu petitione hereditatis probanda opus sit, nec ejus pinguia speranda sunt com-

(88) Stryck de Act. investig. & caut. elig. sect. 2. memb. 3. §. 13. (pp) Stryck de success. ab intest. D. 7. c. 4. §. 27. Knapshof de Fid. c. 13. n. 22. (qq) Brunn. ad Tir. C. de Edict. D. Hadr. col. n. 11. 23. 14.

commoda (rr). Ceterum quoniam hodie nulla amplius in libello fit nominatio actionis, in id imprimis incumbendum, ut dispositio Fideicommissaria stabiliatur, & ostendatur vi ejusdem bona alienata ipso jure in peti- torem, contra expressam prohibitionem alienationis au- tem extra familiam, translata fuisse, juncto petito reme- diis supra allegatis, præsertim vero petitionis hereditatis Fideicommissariæ conformi.

## §. XXXVII.

Atque hæc in præsentis de Fideicommisso Familie cognatico sufficiant. Id vero adhuc superest ut moneam, mixtum interdum esse illud Fideicommissum, quale occurrit apud Per- Illustrem Dn. de LUDOLPH (ss): neque enim absurdum est, ait ibi Referens, quod idem Fidei- commissum in aliquo gradu sit agnaticum (prout hic quoad Lineam fratris Testatoris descendentibus suis sub- stitutam, in qua Linea soli filii vel masculi vocati) in al- liis vero gradibus regulare, ad omnes descendentes si- ne discrimine Sexus pertinens.

(rr) Stryck de success. ab intest. Diss. 7. c. 4. §. 19. ibiq. ad- leg. Dd. (ss) Symphor. T. II. V. I. f. 159.



V. A. 152. 1122